

---

## PWYLLGOR CRAFFU ADDYSG AC ECONOMI 13.12.17

---

**Yn bresennol:** Y Cynghorydd Beth Lawton – Cadeirydd.  
Y Cynghorydd Nia Jeffreys – Is-Gadeirydd.

**Y Cynghorwyr:** Menna Baines, Steve Collings, Aled Evans, Evan Selwyn Griffiths, Alwyn Gruffydd, Judith Humphreys, Elwyn Jones, Cai Larsen, Dewi Owen, Paul Rowlinson, Cemlyn Williams, a Gareth Williams.

**Aelod Cabinet:** Y Cynghorydd Craig ab Iago – Aelod Cabinet Tai, Hamdden a Diwylliant (Eitem 5), a'r Cynghorydd Gareth Thomas – Aelod Cabinet Addysg (Eitem 6 a 7).

**Hefyd yn bresennol:** Vera Jones (Rheolwr Aelodau), Sioned Williams (Swyddog Cefnogi Aelodau), Dylan Davies (Cynrychiolydd Rhieni/Llywodraethwyr Meirionydd), David Healey (Undebau Athrawon), a Anest Gray Frazer (Yr Eglwys yng Nghymru).

**Eitem 4:** Sioned Williams (Pennaeth Economi a Chymunedau), Robin Evans (Rheolwr Prosiect), a Iwan Evans (Swyddog Monitro).

**Eitem 5:** Arwyn Thomas (Rheolwr Gyfarwyddwr GwE), Alwyn Lloyd Jones (Cyfarwyddwr Cynorthwyol – Safonau), a Ellen Williams (Arweinydd Craidd Uwchradd Gwynedd).

**Eitem 5 a 6:** Garem Jackson (Pennaeth Addysg).

### 1. YMDDIHEURIADAU

Y Cynghorwyr Jason Parry, Huw Wyn Jones, a Keith Jones.

### 2. DATGAN BUDDIANT PERSONOL

Datganodd y Cynghorydd Menna Baines fuddiant personol yn eitem 7 oherwydd ei rôl ar Fwrdd Ymgynghorol Cynnal.

### 3. MATERION BRYS

Dim i'w nodi.

### 4. COFNODION Y CYFARFOD BLAENOROL

Llofnododd y Cadeirydd y cofnodion y cyfarfod blaenorol o'r pwyllgor hwn, a gynhaliwyd ar y 26 Medi 2017, fel rhai cywir.

### 5. TREFNIADAU LLYWODRAETHU ARFAETHEDIG CWMNI HAMDDEN CYNGOR GWYNEDD

Cyflwynwyd adroddiad gan yr Aelod Cabinet Tai, Hamdden a Diwylliant a'r Pennaeth Economi a Chymunedau, yn cyflwyno trefniadau llywodraethu arfaethedig Cwmni Hamdden Cyngor Gwynedd. Gwahoddwyd aelodau i roi eu mewnbnw ar y trefniadau

cyn i'r eitem fynd ger bron y Cabinet. Diolchodd yr Aelod Cabinet Tai, Hamdden a Diwylliant i'r Pwyllgor am y cyfle i drafod y trefniadau.

Yn ystod y drafodaeth ar yr eitem, rhoddwyd rhagor o wybodaeth i aelodau am y materion canlynol:

- Rôl a phwrpas y Bwrdd Cynghorol.
- Dealltwriaeth o bwy fydd yn gyfrifol am benodi'r Bwrdd Rheoli.
- Cyfrifoldeb ac atebolrwydd aelodau'r bwrdd pe bai'r cwmni yn fethiant, a pha gamau sydd gan y Cyngor i ddelio â hyn – yn arbennig yr effaith ar staff y cwmni.
- Trefn penodi, rôl a chyfrifoldeb y Rheolwr Gyfarwyddwr.

Nodwyd y sylwadau canlynol am y trefniadau llywodraethu'r cwmni gan y Pwyllgor Craffu er sylw'r Aelod Cabinet a'r Cabinet;

- Fod angen i'r Bwrdd Cysgodol fod yn rhan allweddol yn y broses o benodi'r Rheolwr Gyfarwyddwr.
- Y dylid ystyried os oes angen mwy na phum aelod ar y Bwrdd Rheoli gan fod cryn ofynion ar yr aelodau hynny.
- Pwysigrwydd sicrhau perthynas iach ac agored gyda'r Bwrdd Cynghorol o'i sefydlu. Bydd y Pwyllgor craffu yn dymuno eglurder pellach ynghylch sut y bydd hyn yn datblygu dros y misoedd nesaf.
- Fod angen eglurder pellach o rôl y pum cyfarwyddwr wedi iddynt eu penodi.
- Fod y datblygiad yn cynnwys cyfleoedd newydd, er enghraifft;
  - Cyfle i farchnata'r Canolfannau Hamdden yn fwy creadigol.
  - Y dylid ystyried argymhelliad i gyflwyno 'cynllun bonws' i staff sydd yn hyrwyddo'r cwmni yn egniol.
- Y dylid hefyd sicrhau bod clybiau fel 'Dementia Go' a threfniadau llwyddiannus eraill yn parhau.

Bydd aelodau'r Pwyllgor Craffu yn croesawu'r cyfle i graffu'r datblygiadau ymhellach yn unol â'r addewid.

**Penderfynwyd:** Cefnogi'r adroddiad i fynd i'r Cabinet.

## **6. EFFAITH A CHANLYNIAD YR HYN A DDARPERIR GAN GWE AR RAN AWDURDOD ADDYSG GWYNEDD**

Llongyfarchodd Aelod Cabinet Addysg staff GwE ar lwyddiant yr adroddiad Estyn diweddar.

Cyflwynwyd adroddiad gan Aelod Cabinet Addysg a'r Pennaeth Addysg, yn ymateb i nifer o gwestiynau a ddarparwyd gan aelodau'r pwyllgor ymlaen llawn ynglŷn ag effaith a chanlyniad y gwasanaeth a ddarperir gan GwE ar ran Awdurdod Addysg Gwynedd.

Bu i aelodau'r Pwyllgor fynegi barn bod yr adroddiad yn rhy gyffredinol ac yn disgrifio holl ystod gwaith GwE, yn hytrach nag amlygu'r gwerth am arian i Wynedd yn benodol.

Yn ystod y drafodaeth ar yr eitem, rhoddwyd rhagor o wybodaeth i aelodau am y materion canlynol:

- Rhoddwyd esboniad ar natur y gwasanaeth sy'n cael ei gomisiynu gan GwE ac amlinellwyd bod dwy lefel benodol sef;
  - a. y gwasanaeth mae GwE yn ei ddarparu i'r chwe awdurdod.
  - b. cynllun busnes sydd wedi'i deilwra yn benodol i anghenion Gwynedd.
- Eglurder o'r broses o lunio'r cynlluniau busnes ar gyfer pob Sir.
- Pryderon bod gwendid wedi bod yng nghanlyniadau'r Cyfnod Sylfaen am ddwy flynedd yn olynol.

- Pryderon bod ysgol wedi ei rhoi mewn mesurau arbennig o dan y trefniant presennol rhwng yr awdurdod a GwE.
- Rôl y Swyddogion Cefnogi Gwelliant i sicrhau cefnogaeth gyson er mwyn sicrhau gwelliant cyson ar draws y Sir.
- Y berthynas rhwng yr awdurdod a GwE – a oes digon o herio yn mynd ymlaen?
- Esboniad fod arweinyddiaeth mewn ysgolion yn flaenoriaeth gan yr awdurdodau a GwE a dyna oedd sail y gynhadledd datblygu arweinyddiaeth a fu yn yr haf.
- Prinder o athrawon/penaethiaid addysg.

Mewn ymateb i'r sylw am brinder o athrawon a phenaethiaid addysg yng Ngwynedd, amlygodd y Pennaeth Addysg yr hyn mae'r awdurdod yn ei wneud i fynd i'r afael a'r broblem;

- Swyddfeydd Addysg Ardal - wedi'i datblygu i annog gweithio ar y cyd ac i sicrhau bod y gwaith gweinyddol yn effeithiol ac yn effeithlon ar draws ysgolion.
- Consortiwm Hyfforddiant – gwaith rhanbarthol sydd ar droed yn targedu penaethiaid strategol, rheolwyr safle, penaethiaid y dyfodol a dirprwy penaethiaid.

**Penderfynwyd:** Derbyn yr adroddiad.

## **7. ADRODDIAD YMCHWILIAD CRAFFU GWASANAETHAU CEFNOGOL ADDYSG**

Cyflwynwyd adroddiad gan y Cynghorydd Alwyn Gruffydd yn cyflwyno'r chwe argymhelliad o'r ymchwiliad craffu gwasanaethau cefnogol addysg. Diolchwyd i bawb a gyfrannodd i'r ymchwiliad.

**Penderfynwyd:** Derbyn yr argymhellion.